

*ditione eorum*, quibus maxime innititur Arnoldus. Waldshutenses, quos primitias Lutherano-Evangelicorum extitisse, falso autumat, fuerunt manifestissimi & crassissimi Anabaptistae, erroribus *Thomae Munzeri* & *Nicolai Storchii* infecti, ex quibus, si indoles genuinae LVTHERI reformationis deprehendi & dijudicari debeat, exspirabit omnis nostra doctrina e verbo DEI per orthodoxum LVTHERI ministerium proposita ac confirmata. Enthusiastae, qui tempore Reformationis tumultus, imo seditiones movere incipiebant, non Lutheri sententias, sed alienas ex orco revocatas opiniones profitebantur. (II.) *Ex Lutheri confessione*, qui infantes non modo baptizari *posse*, sed etiam *debere*, secundum Scripturam S. docebat, neque etiam ullus locus in LVTHERI scriptis obvius afferri potest, in quo aut palam, aut indirecte necessitate baptizandi infantes, detrahere videtur. De fratribus Bohemicis, siquidem in multis cum eo rectissime sentirent, non sine causa modeste iudicare voluit, spes enim erat, fore, ut rectiora edocti, circa Sacramentorum, imprimis S. Coenae dignitatem, eandem cum eo aliquando amplecterentur doctrinam. Isti pro haereticis non statim sunt declarandi, qui quidem in aliquo fidei articulo haud parum errant, errores tamen pervicaciter defendere nolunt, sed potius puriori Ecclesiae favere quodammodo videntur.

§. IV. (III.) *Ex publico Arnoldi cum Adversariis in hac doctrina consensu*, quem adversus Lutherum amplexus, variisque modis insinuare & scriptis & factis voluit. Ita enim *in der Erklärung seines Sinnes bey dem Kirch- und Abendmahl-gehen* p. 19. *Ein wahrer Gläubiger verlange nicht in den öffentlichen Gottes-Dienst, oder in die Kirchen zu geben, in gleichen das Abendmahl zu genießen, er thue es nur um der Ruhe willen, er bedürff es gar nicht, sondern thue es aus Discretion*, p. 22. *es sey nur nothwendig vor die Unwissenden*, p. 64. quae pessima adversus objectam LVTHERI autoritatem c. VI. defendit,